

AMREŽA
STUDENATA

NEWS LETTER

FEBRUAR NEWS BR. 3, 2018



FAKULTET ZA TEHNIČKE
STUDIJE



EDUKACIJSKI FAKULTET

Zimska
AKademija

TEMA

Klub matematičara u posjeti

Mješovitoj srednjoj tehničkoj školi „Travnik“

Na Edukacijskom fakultetu i Fakultetu za tehničke studije počela

Prva škola matematike

Filmska večer

Drugi workshop

Projekat Teacher – Studijska posjeta partnerima iz Slovačke i TOT
seminar u Mostaru

informatička radionica

Zimska akademija

University of Travnik - Campus

Welcome!
Dobrodošli!


Zimska
AKademija
DOBRODOŠLI
WELCOME!

Klub matematičara u posjeti

MJEŠOVITOJ SREDNJOJ TEHNIČKOJ ŠKOLI TRAVNIK

U sklopu aktivnosti Kluba matematičara Edukacijskog fakulteta i Fakulteta za tehničke studije u četvrtak 1. februara održan je sastanak sa direktorom Mješovite srednje tehničke škole „Travnik“ - dr. sc. Nevzudinom Buzadžijom. Osim voditelja Kluba asistentu Ahmeda Palića, sastanku su prisustvovali i članice Kluba. Tokom razgovora predstavljena je organizacija Kluba matematičara kao i planirane aktivnosti. Naime, direktor navedene škole daje potpunu podršku aktivnostima Kluba navodeći da je to izvrsna ideja za usavršavanje stečenog znanja iz matematike. Podsjetimo se da je Klub matematičara udruženje studenata koji potiču izgradnju pozitivnog stava prema matematici. Sudjelovanje u ovakvim aktivnostima otkriva često zaboravljenu zabavnu stranu matematike, stvara nove ideje o tome šta matematika jeste i čime

se bavi te dokazuje da matematičke probleme, i onda kad nismo svjesni vlastitog talenta, svakodnevno svi uspješno rješava



Sastanak članova sa direktorom

Na Edukacijskom fakultetu i Fakultetu za tehničke studije počela

PRVA ŠKOLA MATEMATIKE

Klub matematičara EFT i FTS odlučio je pristupiti matematici na drugačiji način, privući što više djece u matematičke aktivnosti, pokazati im koliko matematika može biti zabavna, a s druge strane i prikazati njenu ozbiljnost i podstaknuti razvoj matematičkih potencijala učenika, ali i doprinijeti razvoju dodatnih matematičkih vještina. Shodno tome, jedna od aktivnosti Kluba, Prva škola matematike za učenike srednjih škola s područja općine Travnik, počela je u ponedjeljak 26. februara, pod vodstvom ass. Ahmeda Palića i ass. Lejle Skopljak.

Program rada obuhvata dvije razine, višu i nižu. Prvi dan škole bio je namijenjen učenicima koji postižu izvanredne rezultate u matematičkoj pismenosti, dok je drugi dan okarakterisan kao instruktivna nastava, pomoć učenicima u rješavanju matematičkih problema. Svi polaznici su pokazali veliku zainteresiranost,

a uz podršku menadžmenta oba fakulteta, naša Prva škola matematike održavat će se dva dana svake sedmice do 10. aprila. Ovo je ujedno bila i idealna prilika da učenici vide kakve sve mogućnosti pruža ovaj Univerzitet po kome je postao prepoznatljiv naš grad Travnik.



Učesnici prve škole matematike

Uspješno održana

FILMSKA VEČER

U organizaciji studenata TEACHER tima koji djeluje u sklopu Mreže studenata Edukacijskog fakulteta i Fakulteta za tehničke studije 2. februara 2018. godine sa početkom u 16:00 sati na Edukacijskom fakultetu je prvi put održana „Filmska večer“. Posjetioци su imali priliku pogledati vizuelno očaravajući psiho-triler sa elementima horora „Don't breathe“.

„Don't breathe“ priča je o troje delinkvenata koji žive od provala u kuće bogatih ljudi koje osigurava tvrtka oca jednog od delinkvenata. Iza svakog lika se krije priča i razlog zbog kojeg su se odlučili na razbojništvo.

Glavni cilj „Filmske večeri“ bio je potaknuti druge studente na kritički osvrt na ono što vide, čuju ili dožive kao i kvalitetno druženje i zabava. Prije početka filma, studentice Pedagogije i psihologije su upriličile vježbe opuštanja kako bi studente pripremile za gledanje filma malo složenije tematike. Nakon projekcije filma uslijedila je diskusija i psihološka analiza likova i situacija. Studenti su diskutovali o strahu, agresiji, odgoju, tipovima ličnosti, poremaćajima ličnosti

Održan workshop na temu

KAKO POBIJEDITI TREMU I STRAH OD JAVNOG NASTUPA

U organizaciji Mreže studenata Edukacijskog fakulteta i Fakulteta za tehničke studije, 23. februara 2018. godine na Edukacijskom fakultetu i Fakultetu za tehničke studije, održan je drugi po redu workshop na temu „Kako pobijediti tremu i strah od javnog nastupa“. Workshop je vodila mr. Irmela Mujkić, viša asistentica na Edukacijskom fakultetu.

Javni nastup je moćno oružje za motivaciju, utjecaj, uvjeravanje, obavještanje, tumačenje ili jednostavno zabavljanje. Međutim bez obzira na sve pozitivne strane javnog nastupa većina ljudi ipak ima tremu ili strah od javnog nastupa koji ih sprečava u adekvatnom funkcionisanju. U skladu sa navedenim neke od glavnih tema o kojima se govorilo na workshopu bile su - kako nastaju strahovi i zbog čega se javlja, kako se pripremiti za javni nastup i kako pobijediti tremu i strah od javnog nastupa. Cilj workshopa bio je pokrenuti sa studentima dijalog na ovu temu, iz njihove perspektive saznati zašto imaju strah od jav-



Studenti na filmskoj večeri

i kroz psihoanalizu uspješno okarakterizirali svakog od četiri spomenuta lika. S ponosom možemo reći da je prva aktivnost TEACHER tima uspješno realizirana, te želimo da i u budućnosti pravimo ovakve aktivnosti koje za cilj imaju promociju vannastavnih aktivnosti, kreativni način učenja različitih sadržaja i kvalitetno provođenje slobodnog vremena.

nog nastupa, da li znaju da se nose sa njim, kako to djeluje na njih, kao i pružiti korisne smjernice koje će studentima pomoći u prevladavanju i kontrolisanju tog straha. Kroz interaktivne radionice drugi po redu workshop je uspješno i realiziran.



Zajednička fotografija učesnika workshopa

STUDIJSKA POSJETA PARTNERIMA IZ SLOVAČKE

Studijska posjeta realizovana je 06. i 07. februara 2018. godine na Pedagoškom fakultetu Matej Bel Univerziteta u Slovačkoj. Aktivnosti radnog paketa 3 (WP 3), odnose se na profesionalni razvoj nastavnog osoblja u metodici nastave. Cilj je bio obučavanje nastavnog osoblja najboljim metodama učenja koje su orijentisane ka ishodu.

Prvi dan studijske posjete 06. februar 2018. godine, podrazumijevao je posjetu predavanjima, intervjuisanje osoblja i studenata sa Pedagoškog fakulteta Univerziteta Matej Bel iz Slovačke, kao i interaktivno učenje putem razmjene iskustava dobre prakse između ove dvije države.

Drugog dana je upriličena posjeta vrtićima u Banskoj Bistrici. Posjeti su prisustvovala sve visokoškolske ustanove u Bosni i Hercegovini koje su zajedno sa Edukacijskim fakultetom partneri u projektu TEACHER. Jedan od zadataka radne grupe je svakako bio i bilježenje prikupljenih informacija u cilju bolje analize izvršene posjete, nakon čega je u „Garden – The Centre of Independence Culture”, organizovana krat-

ka refleksija i zajednička interaktivna diskusija kao i komparativna analiza u vezi sa načinom organizacije i situacije u predškolskom odgoju u Bosni i Hercegovini i Slovačkoj, kao i komparativna analiza stanja i organizacije rada vrtića u Slovačkoj i Mančesteru, koja je rezultirala zajedničkim zaključcima o sličnostima, ali i razlikama.



Prikaz jedne od aktivnosti

USPJEŠNO REALIZIRAN TOT SEMINAR U MOSTARU

U sklopu Erasmus+ projekta TEACHER kojeg Edukacijski fakultet kao glavni koordinator projekta realizuje sa ostalim bh. partnerima učesnicima u projektu, na Sveučilištu u Mostaru 21-22. februara 2018. godine, uspješno je realiziran TOT (Training of Trainers) seminar koji su vodili stručnjaci sa Matej Bel Univerziteta iz Rumunije. TOT seminar se realizuje u okviru radnog paketa 4 (WP4) i podrazumijeva profesionalno poboljšanje transferzalnih kompetencija nastavnog osoblja i njihovih sposobnosti.

Uspješno je završen kroz sesije koje su se odnosile na definisanje i značaj transverzalnih kompetencija u profesionalnom razvoju odgajatelja sa naglaskom na važnost i razvoj kreativnosti.




Učesnici TOT seminara

INFORMATIČKE RADIONICE

DRUGA INFORMATIČKA RADIONICA


Druga po redu informatička radionica održana je 8.februara na Edukacijskom fakultetu i Fakultetu za tehničke studije uz podršku menadžmenta oba fakulteta. Učešće su uzeli članovi Mreže studenata, a voditelj radionice bio je viši asistent mr. Aljo Delić. Mreža studenata već izvjesno vrijeme u svome radu koristi online platformu Producteev koja članovima Mreže služi kao alat za bržu i efikasniju komunikaciju. Svi članovi su već savladali osnove korištenja platforme, a na ovoj informatičkoj radionici su im prezentirani određeni alati koji pomažu studentima da, pored elementarne komunikacije, bez poteškoća koriste platformu i za kompleksnije sadržaje te na taj način olakšaju rad. Nakon održane radionice studenti su uz mentorstvo asistenta unijeli raspored vlastitih aktivnosti za naredni period te definisali zadatke i rokove za njihovo izvršenje.



Učesnice informatičke radionice

TREĆA INFORMATIČKA RADIONICA ZA ČLANOVE MREŽE

Uz elementarnu pismenost, tj. poznavanje čitanja i pisanja kao osnovnih vještina, za bilo koju vrstu napredovanja u poslovnom svijetu neophodna je i informatička pismenost koja je postala osnova za razvoj savremenog društva. Shodno tome, na Edukacijskom fakultetu i Fakultetu za tehničke studije nastavljamo sa informatičkim radionicama čiji je voditelj mr. Aljo Delić. Treća radionica je održana 14.februara, a u okviru predavanja su studenti članovi Mreže stekli dodatne vještine sa radom u jednom od osnovnih programa Microsoft Office paketa - Wordu. Učesnici radionice su imali priliku usavršiti svoje znanje iz datog programa te naučiti kako se realiziraju i neke složenije operacije.



Učesnice informatičke radionice

Uspješno realizirana


ZIMSKA AKADEMIJA 2018



Na Edukacijskom fakultetu i Fakultetu za tehničke studije Univerziteta u Travniku u četvrtak 22. februara upriličeno je otvaranje Zimske akademije sa početkom u 12:00 sati za učenike srednjih škola s područja općine Travnik dok je u utorak, 27. februara Zimska akademija održana za učenike srednjih škola sa područja Srednjobosanskog kantona/Kantona Središnja Bosna.

Edukacijski fakultet i Fakultet za tehničke studije Univerziteta u Travniku ove su godine za maturante srednjih škola pružili izuzetnu priliku da dožive jedno sasvim novo iskustvo studiranja na ovim fakultetima upravo kroz ovu aktivnost.

Zimska akademija je zajednička aktivnost Edukacijskog fakulteta i Fakulteta za tehničke studije koja ima za cilj da u ugodnoj akademskoj atmosferi i dijalogu otvori mnoga važna pitanja koja se na prvom mjestu tiču mladih ljudi i njihovih promišljanja u kontekstu problematike koja ih zanima. Predavači na Zimskoj akademiji su nastavnici i saradnici Edukacijskog fakulteta sa katedri za: pedagogiju, menadžment u obrazovanju, bosanski, hrvatski i srpski jezik, književnost, matematiku, medije, kineziologiju te nastavnici



i saradnici Fakulteta za tehničke studije sa katedri za: informatiku, tekstilno inženjerstvo i dizajn, građevinu, arhitekturu, grafičko inženjerstvo i dizajn.

Na samom početku Zimske akademije održano je pozdravno obraćanje u kojem se prisutnim učenicima obratila doc. dr. Amra Tuzović, menadžerica za osiguranje kvaliteta Univerziteta u Travniku izrazivši zadovoljstvo posjetom učenika te naglasivši da je cilj Akademije da učenicima otvori vrata akademske zajednice, usmjeri ih i upozna sa ponuđenim temama predavanja. Učenicima su dobrodošlicu poželjeli i dekani oba fakulteta – prof. dr. Hrustem Smailhodžić, dekan Fakulteta za tehničke studije naglasivši da je ova Zimska akademija koncipirana na način da se učenici upoznaju sa studijskim smjerovima oba fakulteta; dekan Edukacijskog fakulteta – prof. dr. Hazim Selimović kazavši da je cilj Akademije upoznavanje učenika sa principom rada visokoškolske ustanove i informacijama koje će im koristiti u budućem obrazovanju dok se prof. ddr. Tarik Obralić osvrnuo na proces akreditacije kroz koji je Univerzitet u Travniku prošao što pokazuje uspješnost rada ove respektabilne ustanove.





Po završetku pozdravnih obraćanja učenici su podijeljeni u grupe shodno temama koje su odabrali pri samoj prijavi na Zimsku akademiju.

Uz bogat i raznovrstan izbor tema učenici su imali priliku, shodno svojim interesima, promišljati o budućnosti, o ulaganju u obrazovanje, o zdravom načinu životu, o očuvanju jezičke i književne baštine te drugim vrijednostima života.

Ova aktivnost naših fakulteta, prema utiscima, dojmovima i mišljenjima učenika i njihovih profesora, pedagoga i direktora koji su došli s njima, pokazala se izuzetno uspješnom što je, svakako, još jedan podstrek i motivacija za nove, još uspješnije ideje i aktivnosti u radu naših fakulteta.

UNIVERZITET U TRAVNIKU EDUKACIJSKI FAKULTET FAKULTET ZA TEHNIČKE STUDIJE		
Zimska Akademija		
	PREDAVAČ	TEMA
07 VI NIVO	Prof. dr. Hazim Selimović	Obrazovanje za budućnost kroz razvoj kompetencija
01 VI NIVO	Mr. sci. Dženan Kos Mr. Amela Bajčić	Uloga mladih u očuvanju jezičke i književne baštine
48 III NIVO	Mr. Mlad Omerović	Matematika - Nauka mladih
02 VI NIVO	Doc. dr. Amra Turzović Mr. Jasmin Hrnjić	Bavljenje sportom kao formula novog životnog stila
08 VI NIVO	Mr. Emina Terzić	Izazovi novinarskog poziva
KONFERENCIJSKA SALA III NIVO	Prof. dr. Tarik Obratić	Najbolje ulaganje u budućnost
19	Prof. dr. Muhamed Kević	

ZIMSKA AKADEMIJA U MJEŠOVITOJ SREDNJOJ ŠKOLI TRAVNIK

U okviru Zimske akademije, u organizaciji Menadžmenta Edukacijskog fakulteta i Fakulteta za tehničke studije u Mješovitoj srednjoj školi „Travnik“ su održana dva predavanja na teme za koje su učenici pokazali najveći interes.

Teme održanih predavanja su „Izazovi novinarskog poziva“, čiji je moderator mr. Emina Terzić i „Uloga mladih u očuvanju jezičke i književne baštine“, čiji je moderator mr. sci. Dženan Kos.

Mr. Emina Terzić prisutne je upoznala sa osnovnim pojmovima i vrstama novinarstva, izazovima novinarskog poziva, kao i značaju medijske pismenosti koja podrazumijeva kritičko procjenjivanje različitih medijskih sadržaja.

Mr. sci. Dženan Kos je poseban naglasak stavio na

činjenicu da gubitak jezika znači osiromašenje za cjelokupnu civilizaciju i njenu kulturnu šarolikost. Također je govorio o tome kako je jezik sredstvo prepoznavanja naroda i da je jako važno poznavati i njegovati bogatu historiju bosanskog jezika.



AKTIVNOSTI REALIZIRANE U FEBRUARU

Naziv projekta /aktivnosti	Datum realizacije	Organizator	Koordinator	Učesnici u realizaciji
Newsletter za mjesec januar	Februar 2018.	PR tim D tim	Mr. Emina Terzić Mr. sc. Marija Garić	Članovi PR i D tima
Posjeta Kluba matematičara MSTŠ „Travnik „	01.02.2018.	Klub matematičara	Ahmed Palić, BA	Radna grupa Kluba matematičara
Filmska večer	02.02.2018.	Teacher tim	Mr. Irmela Mujkić	Članovi Teacher tima
Studijska posjeta partnerima iz Slovačke	06.02.2018 07. 02.2018.	Projekat TEACHER	Teacher tim	Teacher tim
Informatička radionica	08.02.2018.	Menadžment fakulteta	Mr. Aljo Delić	Studenti, članovi Mreže
Međunardni dan obrazovanja	09.02.2018.	Inclusion tim	Nedžla Kadić	Članovi Inclusion tima
Informatička radionica	14.02.2018.	Menadžment fakulteta	Mr. Aljo Delić	Studenti, članovi Mreže
Međunarodni dan maternjeg jezika	21.02.2018.	GrafX tim	Mr. sc. Marija Garić i mr. Amela Bajrić	Lamija Grabus Fikreta Kerić
TOT seminar u Mostaru	21.02.2018 22.02.2018.	Projekat TEACHER	Teacher tim	Teacher tim
Workshop: „Kako pobijediti tremu i strah od javnog nastupa„	23.02.2018.	Menadžment fakulteta	Mr. Irmela Mujkić	Studenti i članovi Mreže
Studenti prave Inclusion kalendar	24.02.2018.	Inclusion tim	Inclusion tim	Članovi Inclusion tima
Zimska akademija	21.02.2018 27.02. 2018.	Menadžment fakulteta	Menadžment, mentori timova	Mreža studenta GrafX tim
Početak „Prve škole matematike„	26.02.2019 27.02.2018	Klub matematičara	Ahmed Palić, BA	Klub matematičara



Impressum

Tekst, fotografija i DTP: Erika Hadžimahmutović, Aida Palić, Almedina Čurić, Harisa Đelilbašić, Elma Kasumović, Ermil Horozović, Ivana Zec